

# Ina furbaria u in'idea geniala?

L'observatori d'utschels da l'architect Andrea Deplazes ha obtegnì in premi

■ (anr/vi) Hoppla. Da tge sa tracti qua? Han ils mats e las mattas che avessan gì da far la pluna lenna fatg ina furbaria? Na. Qua èn students da la Scola politecnica federala (SPF/ETH) stads a la lavur. Ils students da l'architect grischun *Andrea Deplazes* han bajegià en l'Ungaria al Plattensee in observatori d'utschels. Duvrà han els lain d'acazia, l'usitada laina da brisch da l'Ungaria. Cun stganatscha dad in meter lunghezza han ils students emplunà entaifer quatter dis ina hetta cun cupla. Il pli difficil è stà d'emplunar la cupla uschia ch'il bajetg na sbaluna betg. Ma cun bler quietà ed ina tecnica d'emplunar speziala èsi grategià.

Las stentas dals students èn vegnidas remuneradas. L'emprim da december è vegnì enconuscent che la professura da Deplazes obtegnia per l'observatori en l'Ungaria in premi da «holz 21». Il premi è dotà cun 10 000 francs.

«Holz 21» è in program da promozion da l'Uffizi federal d'ambient, gaud e cuntrada (Buwal). Ils gauds svizzers produceschan mintg'onn bler dapli lain che quai che la Svizra po duvrar. Il program «holz 21» duai perquai tshertgar novas modas e metodas da duvrar la lai-



na. Per quest intent aveva «holz 21» scrit ora ina concorrenza per ideas nunconvenzionalas. Radund 140 propostas èn vegnidas inoltradas. I na sa tracta betg sulet da propostas architectonicas, ma bain era da propostas ord la tecnica da

procedura (Verfahrenstechnik) u per il tractament da surfatschas.

La giuria ha premià nov ideas. Da questas ideas vegn l'observatori da Deplazes numnà sco emprima en la comunicaziun da pressa. Autras ideas per-

miadas èn: Ina patina ch'impedescha che las Fassadas da lain daventan grischas, ina fanestra speziala u ina stalla libra en il Giura.

Dapli infurmaziuns dat: [www.holz21.ch](http://www.holz21.ch)

Fantasia ed in-schign: L'observatori d'utschels. MAD